



Inatsisartunut ilaasortaq Hans Enoksen, Naleraq

§ 37 naapertorlugu apeqquteqaammut nr. 113-imut akissuteqaat – Saviminilerinermik ilinniarfiup nuunnissaa pillugu

03-06-2022
Suliaq nr. 2022 - 2203
Akt nr. 19096528
Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Asasara Hans Enoksen

Inatsisartut suleriaasiat naapertorlugu apeqquteqaatinnut qujanaq. Apeqqutigineqartut tullinnguuttuni akissuteqarfigineqassapput.

Apeqqut 1. *Saviminilerinermik ilinniarfiup nuunnissaa Sisimiunut qanga ulloq aalajangerneqarpa Naalakkersuisuni?*

Akissut: 3. februar 2022-mi Saviminilerinermik ilinniarfiup Sisimiunut nuunneqarnissaanik sulinerup ingerlaannarnissaa Naalakkersuisunit akuersissutigineqarpoq.

Saviminilerinermik ilinniarfiup Sisimiunut nuunneqarnissaa Naalakkersuisunit akuersissutigineqanngilaq, taamaallaalli ilinniarfiup Sisimiunut nuunneqarnissaanut suliap ingerlanneqarnissaa akuersissutigineqarluni.

Apeqqut 2. *Aalajangiinerup kingorna ilinniartitaanermut naalakkersuisoq nalunaaruteqarpoq nuussinissamut aalajangiinerit pereersut suli qanoq akeqarnissaa misissorneqarsimangitsoq, tamanna ilumoorpaa?*

Akissut:

Apeqqut 1-imi taaneqartutut Saviminilerinermik ilinniarfiup Nuummit nuunneqarnissaa Naalakkersuisunit akuersissutigineqanngilaq.

Siunnersuisartunit avataanersunit BDO-mit nuussinermi aningaasartuutissatut naatsorsutigineqartut Naalakkersuisut naatsorsortissimavaat. Taakku naatsorsuinerit ullutsinnut tulluarunnaarsimapput taamaattumillu ukioq manna nutarterneqassallutik.

Apeqqut 3. *Aalajangiinerup kingorna sivitsorpoq sulilu inatsisartuni tusagaqarata qanoq nuussinerup akeqarnissaa pillugu. Naatsorsorneqarsimava?*

Akissut:

Tak. apeqqummut 1- aamma 2-mut akissutigineqartut, taakku naapertorlugit Saviminilerinermik ilinniarfiup Nuummit nuunneqarnissaa suli akuersissutigineqanngilaq.

2017-imi misissuinerup nutarterneratigut Nuummit nuussinermut aningaasartuutaajumaartussat nutaamik kiisalu Saviminilerinermik nutaamik sanaartornermut aningaasartuutaajumaartussat missiliorneqarsinnaapput. Taassuma kingorna taaneqartutut sanaartugassamik pilersaarusionerq aallarteqqinneqarsinnaavoq.

a) Naatsorsuineq ingerlanneqarpat qaqugu suliaq naammassissava?

Akissut:

2017-imi misissuinerup nutarterneqarnerata ukioq manna naammassineqarnissaa naatsorsuutigineqarpoq.

Apeqqut 4. *Saviminileriffiup nuunnissaa Sisimiunut aningaasartuutitassai 2023-mut ukiunullu pilersaarutinut tulliusunut aningaasaliinissamik aningaasanut inatsisissamut ikkussisoqarniarpa?*

Akissut:

2017-imi misissuinerup nutarterineq aamma sanaartugassamik pilersaarusionerq naammassillugit suliarineqaaqqaartinnagit Saviminilerinermik Ilinniarfimmik Nuummit nuussisinnaneq pillugu Aningaasanut inatsimmut ilanngussisoqassanngilaq. Ilinniarfimmik Nuummit nuussisinnaneq pillugu 2023-mut Aningaasanut inatsimmut ilanngussaqaarnissaq naatsorsuutigineqanngilaq.

Apeqqut 5. *Nutsernissamut nutaanillu sanaartornissamut tunngasut pilersaarusionerq aallartinneqareerpaat?*

Akissut:

Nuussinissamik sanaartornissamillu pilersaarusionerq pillugu 2023-mut Aningaasanut inatsimmut suliaqartoqanngilaq, tak. apeqqut 4-mut akissut.

Apeqqut 6. Nuussinissamut Qeqqata kommunea pilersaarusionerq peqataatinneqarpat?

Akissut:

Saviminilerinermik Ilinniarfiup Nuummit nuunneqarnissaa Naalakkersuisut akuersissutigissagaluarpassuk kommunemik pineqartumik suleqateqarnissaq/pilersaarusionerq/peqataatitsinissaq tamatuma kingunerissavaa.

Apeqqut 7. *Nuussinissamut ilinniartunut najugaqarfissat ilanngullugit pilersaarusionerqarpat?*

Akissut:

Saviminilerinermik Ilinniarfiup nuunneqarnissaanut tunngatillugu ilinniartunut inissianik sanaartornissaq pillugu suliniuteqartoqanngilaq.

BDO-ili 2017-imi misissuinerani ilinniartunut inissialioqqinnissamut pisariaqartitsineq sanaartugassanullu aningaasartuutit ilinniarfimmik Nuummit nuussisoqassagaluarpat naatsorsuisoqarsimavoq. Misissuinerup nutarterinerup 2017-imi naatsorsuinerit qularnangitsumik allanngortissavai.

Apeqquut 8. *Sulisut nuuttussat eqqarsaatigalugit inissianik nutaanik sanaartornissaq pilersaarusiorneqarpa?*

Akissut:

Ilinniarfiup Nuummit nuunneqarnissaa aalajangerneqassagaluarpata tamatuma kingunerisassai ataasiakkaarlugit Naalakkersuisut isumaliutigeqqissavaat.

Apeqquut 9. *Ilinniartunngortussanut sulisullu nuunnissaannut meeraannut inissat meeqqeriviit qulakkeerniarneqarpa?*

Akissut:

Apeqquummut 8-mut akissut innersuunneqarpoq.

Inussiarnêrsumik



Peter Olsen